

**BOSNA I HERCEGOVINA**  
**FEDERACIJA BOSNE I HERCEGOVINE**  
**KANTON SARAJEVO**  
**OPĆINSKI SUD U SARAJEVU**  
**Broj: 65 0 St 1078122 24 St**  
**Sarajevo, 05.12.2024.godine**

Općinski sud u Sarajevu, stečajni sudija Mirela Čajić-Puljić rješavajući po prijedlogu za otvaranje stečajnog postupka nad stečajnim dužnikom Društvo za proizvodnju, projektovanje i građenje „ENGRA“ d.o.o. Sarajevo, ul. Lješevo br. 281, Ilijaš, donio je dana 05.12.2024.godine, sljedeće :

**RJEŠENJE**

1. Otvara se stečajni postupak nad pravnim licem Društvo za proizvodnju, projektovanje i građenje „ENGRA“ d.o.o. Sarajevo, ul. Lješevo br. 281, Ilijaš, MBS broj 43-01-0015-10 (stari broj 1-4235), broj glavnog računa: 1346681007091718 otvoren kod ASA Banka d.d. Sarajevo.
2. Za stečajnog upravnika imenuje se Zijo Demirović iz Sarajeva, ul. Antuna Hangija br. 8.
3. Vrijeme otvaranja stečajnog postupka utvrđuje se dana 05.12.2024.godine u 15:00 sati.
4. Nalaže se stečajnom dužniku i trećim licima da stečajnom upravniku predaju u posjed imovinu i dokumentaciju stečajnog dužnika koja je u njihovom posjedu.
5. Pozivaju se povjerioci da u roku od 30 dana od dana objavljivanja Rješenja o otvaranju stečajnog postupka u "Službenim novinama F BiH" prijave svoja potraživanja Sudu, podneskom u dva primjerka, sa dokazima, u skladu sa članom 174. Zakona o stečaju. Uz prijavu povjerioci su dužni priložiti i potvrdu o uplaćenju sudskoj taksi, kako slijedi:

Za prijave povjerilaca iznos od 1% od vrijednosti potraživanja s tim da ne može biti manja od 20,00 KM niti veća od 10.000,00KM.

Taksu uplatiti na račun broj 1411965320008475 kod BBI d.d. Sarajevo.

6. Pozivaju se povjerioci da u roku od 30 dana obavijeste stečajnog upravnika koja prava osiguranja potražuju na predmetima imovine stečajnog dužnika i na kojim predmetima se potražuje pravo osiguranja, vrsta i razlog nastanka prava osiguranja, kao i osigurano potraživanje.
7. Pozivaju se lica koja imaju obaveze prema stečajnom dužniku da ih bez odgađanja izvršavaju prema stečajnom dužniku.
8. Određuje se upis zabilježbe o otvaranju stečajnog postupka u sudskom registru Općinskog suda u Sarajevu u matičnom registarskom broju subjekta upisa broj MBS broj 43-01-0015-10 (stari broj 1-4235).
9. Rješenje o otvaranju stečajnog postupka istaknut će se na oglasnoj tabli Suda istog dana, 05.12.2024.godine, na web stranici – elektronskoj tabli Suda, na internet stranici FIA, a u "Službenim novinama F BIH" objavit će se samo izreka rješenja.

10. Zakazuje se ročište za ispitivanje prijava potraživanja

**ČETVRTAK, 23.01.2025.godine u 12:00 sati**

Istog dana nakon ispitnog ročišta održat će se Skupština povjericilaca, na kojoj će se, nakon izvještaja stečajnog upravnika odlučiti o daljem toku stečajnog postupka (izvještajno ročište).

### **O b r a z l o ž e n j e**

Prijedlogom od 22.02.2024.godine predlagatelj je putem punomoćnika predložio da se otvori stečajni postupak nad imovinom stečajnog dužnika Društvo za proizvodnju, projektovanje i građenje „ENGRA“ d.o.o. Sarajevo, ul. Lješevu br. 281, Ilijaš.

Postupajući po prijedlogu Sud je Rješenjem od 30.05.2024.godine pokrenuo prethodni postupak radi utvrđivanja da li postoje uslovi za otvaranje stečajnog postupka, te imenovao privremenog stečajnog upravnika kome je između ostalog naloženo da utvrdi da li postoji razlog za otvaranje stečajnog postupka i da li imovina stečajnog dužnika može pokriti troškove stečajnog postupka.

Privremeni stečajni upravnik je postupio po nalogu Suda i dostavio Izvještaj dana 21.08.2024.godine, te dokumentaciju koju je pribavio kao privremeni stečajni upravnik. Iz dostavljene dokumentacije utvrđeno je da stečajni dužnik ima imovine, te da postoje uslovi i razlozi za otvaranje stečajnog postupka, te da će se troškovi stečajnog postupka koji se odnose na održavanje prvog ispitnog i izvještajnog ročišta moći pokriti iz uplaćenog predujma.

Na ročištu zakazanom radi odlučivanja o ispunjenosti uslova za otvaranje stečajnog postupka sud je proveo dokaze: čitanjem izvještaja privremenog stečajnog upravnika, kao i ostale dokumentacije koja je priložena uz prijedloge za otvaranje stečajnog postupka, pa je našao da su ispunjeni uslovi iz člana 102. Zakona o stečaju F BiH, stoga je sud donio odluku kao u stavu 1 izreke.

Odluku u stavovima od 2 do 10 izreke rješenja sud je donio primjenom člana 104.,105.,106.,107. i 108. Zakona o stečaju FBiH.

**STEČAJNI SUDIJA**  
**Mirela Čajić-Puljić**

### **POUKA:**

Protiv ovog rješenja žalbu može izjaviti stečajni dužnik u roku od 8 dana od dana dostavljanja rješenja. Žalba se podnosi Kantonalnom sudu u Sarajevu, putem ovog suda, u tri primjerka.